

文

選

旁

證

文選旁證卷第二十四

長樂梁章鉅撰

卷二十七下 顏延年宋郊祀歌

宋郊祀歌 宋書樂志一元嘉二十二年南郊始設登歌詔御
史中丞顏延之造詩又樂志二宋南郊雅樂登歌三篇顏延
之造是也

注嚴恭寅畏 六臣本恭作龔胡公攷異曰必善引嚴龔注嚴
恭寅畏注寅威而更有音義異同之注今失之以致正文與
注不相應或欲改正文以就之亦非

炳海表岱 又靈鑑叢文 宋書作表海炳岱叢作濬

注奠其邈於亘地界 陳校於改兮是也各本皆誤

注明王盛德 六臣本毛本盛作慎是也

開元首正月令天子乃以元日祈穀于上帝鄭注謂以上辛

郊祭天也左氏襄七年傳啟蟄而郊郊而後耕此郊祀之歌

而云開元首正下又云有事上春當卽祈穀之禮

薦饗王衷宋書及六臣本薦饗作以薦

注天子有事於郊郊當作文武二字此左氏僖九年傳文

注寤寐曰陳校去寐字各本皆衍

注陟配在京陳校陟改王在改于是也此涉正文而誤

注沈淪而沈靜也段校下沈字改作深

注齊桓公曾不足使扶輪羽獵賦曰胡公攷異曰公字不當

有輪當作轂羽上當脫撰人姓名此非揚子雲作各本皆誤

樂府上

注漢書曰武帝定郊祀之禮而立樂府黃氏叔琳曰孝惠二

年夏侯寬爲樂府令則樂府之立不始於武帝

樂府三首

六臣本題作四首而下有四詩第二首爲君子行

李所無也毛本用五臣添君子行於卷尾非

古辭

注

五言言古詩不知作者姓名五言二字當移於下三

首每題之下詩當作辭案晉書樂志曰凡樂章古辭今之存者並漢世街陌謠諠也

飲馬長城窟行

注

鄆善長水經曰

經下當有注字

注

古詩飲馬長城窟行

玉臺新詠題爲蔡邕作

青青河邊草

又

展轉不可見

六臣本邊作畔可作相玉臺新

詠亦作相

枯桑知天風海水知天寒

紀文達公曰枯桑似不知天風海

水似不知天寒然葉雖不落而未嘗不爲風搖水雖不冰而未嘗不受寒侵以比已之甘苦自知斃斃無告入門二句則言同事之各爲身謀不相顧也李注近是

呼兒烹鯉魚中有尺素書 楊氏慎丹鉛餘錄云古樂府尺素如殘雪結成雙鯉魚據此詩知古人尺素結爲鯉魚形也下云烹魚得書亦譬況之言五臣及劉履謂古人多於魚腹寄書引陳涉留魚倡禍事證之何異癡人說夢顧氏元慶夷白齋詩話云古詩呼童烹鯉魚中有尺素書魚腹中安得有書古人以喻隱密也魚沈潛之物故云

書上竟何如 六臣本上作中是也玉臺新詠亦作中

傷歌行

傷歌行

古樂苑云傷歌行側調曲也古辭傷日月代謝年命

道盡絕離知友傷而作歌也

昭昭素月明 六臣本月明作明月是也本書前月賦注後何

敬祖雜詩注並引作明月可證

注抑於家 抑下當有鬱字此所引漢書谷永傳文

長歌行

長歌行 古今樂錄引王僧虔伎錄平調七曲一曰長歌行梅氏鼎祚曰長歌行樂府解題云古辭言芳華不久當努力爲樂無至老大乃傷悲也

注魏武帝燕歌行曰 陳校武改文各本皆誤

朝露行日晞 六臣本行作待

焜黃華藥衰 六臣本藥作葉是也下篇注引正作葉

老大乃傷悲 六臣本乃作徒

班婕妤怨歌行

怨歌行 玉臺新詠作怨詩有序云昔漢成帝班婕妤失寵供養於長信宮乃作賦自傷並爲怨詩一首乃郭茂倩樂府題爲顏延年作滄浪詩話已論之

皎潔如霜雪 又裁爲合歡扇 又涼風奪炎熱 六臣本皎作鮮

爲作成風作颺玉臺新詠皎亦作鮮

魏武帝短歌行

短歌行 六臣本題下有四言二字是也宋書樂志分爲六解以去曰苦多爲一解惟有杜康爲二解沈吟至今爲三解不可斷絕爲四解呦呦鹿鳴至鼓瑟吹笙四句在不可斷絕下爲五解山不厭高四句爲六解

注 遷南頓令 陳校南頓改頓邱是也各本皆誤胡公攷異曰

魏志武帝紀及裴注俱可證蓋東郡之頓邱也

何以解憂惟有杜康 宋書憂作愁何曰說文帝字注云古者少康作箕帚秫酒少康杜康也又酒字注杜康作秫酒但爲君故沈吟至今 六臣本校云善無此二句非也

苦寒行

苦寒行 宋書樂志分爲六解以車輪爲之摧爲一解虎豹夾路帝爲二解遠行多所懷爲三解中道正裴回爲四解人馬同時饑爲五解悠悠使我哀爲六解

北上太行山 樂府解題云晉樂奏魏武帝北上篇備言冰雪谿谷之苦其後或謂之北上行蓋因武帝辭而擬之也宋書樂志分爲六解每解首二句則複述之藝文類聚以此爲魏

文帝作

羊腸坂詰屈

漢地理志上黨郡壺關縣有羊腸坂何曰此詩

爲征高幹時所作按魏志高幹以建安十年復叛執上黨太守舉兵守壺關明年公圍壺關三月拔之是也

注

天地之間上有九山 呂氏春秋有始篇云天有九野地有

九州土有九山山有九塞此衍天地之間句又誤土爲上

樹木何蕭瑟

又虎豹夾路啼

六臣本瑟作索朱書路作道

迷惑失故路薄暮無宿栖

朱書故作徑薄暮無作真無所六

臣本作暮無所宿栖

擔囊行取薪

六臣本取作采

魏文帝燕歌行

燕歌行

六臣本此首在善哉行後樂府解題晉樂奏魏文帝

燕歌行秋風別日二篇言時序遷換行役不歸婦人怨曠無

所訴也宋書樂志分七解前二句一解末以三句爲一解

羣燕辭歸鴈南翔

宋書鴈作鵠

念君客遊思斷腸

六臣本思斷作多思玉臺新詠宋書亦並

作多思

何爲淹留寄它方

又短歌微吟不能長又爾獨何辜限河梁

宋書何爲作君何玉臺新詠亦作君何能作可辜作幸

注宋玉風賦曰風當作諷各本皆誤

善哉行

善哉行 六臣本善作苦宋書樂志載文帝善哉行凡三章一

曰朝日樂相樂而初學記引第一解題云於講堂作也一曰

朝遊高臺觀藝文類聚引作銅雀園詩也二皆五言其一卽

此章四言四句爲一解其六解

猴猿相追 宋書作猿猴相追

人生如寄

注

寄者固也

宋書如作若陳校固下添歸字各本

皆脫林先生曰困學紀聞云吳語越王告吳王曰民生於地上寓也老萊子曰人生於天地之間寄也寄者固歸古詩人生忽如寄本此周氏必大二老堂詩話云蘇文忠詩少重複者惟人生如寄耳十數處用蓋有感於斯言此句本始魏文帝樂府厥後高僧傳王羲之與支道林書祖其語猗覺寮雜志乃引高僧傳及高齊劉善明語似未記此詩

歲月如馳

宋書如作其六臣本歲作日

湯湯川流

又

隨波迴轉

六臣本川作中迴轉作轉薄宋書亦

作轉薄

曹子建塋後引

箜篌引 宋書樂志空侯初名坎侯漢武令樂人侯暉依琴作

坎侯言其坎坎應節奏後言空音訛也又野田黃雀行注空侯引亦用此曲六句一解其四解驚風飄白日二句與盛時不可再二句倒古今注箜篌引朝鮮津卒霍里子高妻麗玉所作卽公無渡河曲也余曰郭茂倩樂府箜篌謠言結交當有終始與箜篌引異此篇不合麗玉本事當作箜篌謠

注吾能尊顯也 陳校也改之各本皆誤

注使秦箏 六臣本尤本使作挾是也

注一爵而色灑如二爵而言言斯 今玉藻灑作洒斯字下有

禮已二字江氏永曰注疏讀斯字爲句又以禮已三爵而油油爲一句文勢未安或可如王肅說言讀如字二爵而言謂可以語也言斯禮謂語必以禮也

驚風飄白日光景馳西流盛時不可再百年忽我道 宋書驚

風二句在盛時二句之下六臣本可再作再來宋書亦作再
來毛本此下脫百年忽我道生在華屋處十字

生在華屋處 六臣本在作存宋書亦作存按晉書謝安傳坐
曇引亦作存

知命亦何憂 六臣本宋書亦並作復

美女篇

美女篇 六臣本此係第三篇郭茂倩樂府美女篇喻君子有
美行也

采桑岐路間 六臣本間作西蓋音先協韻

注說文閑雅也 今說文閑作嫺漢書司馬相如傳雍容嫺雅

柔條紛冉冉 玉臺新詠柔作長

皓腕約金環注環釧也 毛本環誤作錢注中釧誤作環

注南方草物狀曰 物當作木各本皆誤

注懷秀女 秀當作季洛神賦注引可證各本皆誤

容華耀朝日又眾人何嗽嗽 又安知彼所觀 玉臺新詠耀作

暉何作徒觀作歎六臣本何亦作徒

注顏色盛也言美 胡公攷異曰也言二字不當有前神女賦

秋胡詩後日出東南隅行引皆不誤可證

白馬篇

白馬篇 六臣本此係第四篇樂府古題曹植白馬飾金羈鮑

照白馬騂角弓沈約白馬紫金鞍皆言邊塞征戰之狀樂府

詩集云見乘白馬而爲此曲言人當盡力爲國不可念私

右發摧月支又俯身散馬蹄 余曰典論尙書令荀彧言聞君

善左右射此實難能余言執事未覩夫項發口縱俯馬蹄而
作月支也按此當合赭白馬賦注相證其義始明

注臣不若王子城也也當作父此引呂氏春秋勿躬篇文

名都篇

名都篇 六臣本此係第二篇

被服光且解 六臣本光作麗

鬪鷄東郊道 余曰鄴都故事魏明帝太和中築鬪鷄臺

馳馳未能半 六臣本毛本馳馳作馳騁胡公攷異曰馳行也

馳馳猶行行騁字非

長驅上南山 六臣本作驅上彼南山

我歸宴平樂 六臣本我歸作歸來

美酒斗十千 野客叢書云歷陽郭次象多聞嘗與論酒價十

千一斗乃詩人寓言本曹子建樂府中語唐人多引之李白
金樽沽酒斗十千王維新豐美酒斗十千崔輔國與沽一斗
酒恰用十千錢許渾十千沽酒留君醉權德輿十千斗酒不
知貴陸龜蒙若得奉君歡十千沽一斗皆是不獨白樂天之
共把十千沽一斗矣僕又謂漢酒價每斗一千攷典論云靈
帝末年百司酒一斗直千文此可證也

寒髓或熊蹯 五臣寒作炮良注可證案李匡又資暇錄指五
臣改字之非以此舉例則寒是炮非明矣又詳見七啓張氏
雲璈曰七啓寒芳苓之巢龜注謂今之雁寒也廣韻煮魚煎
肉曰雁本詩寒髓當作是解

鳴儔嘯匹旅 五臣旅作侶濟注可證

石季倫王明君詞

王明君詞

郭茂倩樂府引古今樂錄云明君歌舞晉太康中

季倫所作謝希逸琴論平調明君三十六拍胡笳明君二十
八拍清調明君十三拍聞絃明君十九拍蜀調明君十二拍
吳調明君十四拍杜瓊明君二十一拍凡七曲

以觸文帝諱改之

玉臺新詠改之作故改尤本作改焉

匈奴盛請婚於漢元帝以後宮良家子昭君配焉 六臣本昭

作明玉臺新詠帝下有詔字昭亦作明陸氏耀曰世傳昭君

都據西京雜記謂元帝按圖召幸宮人皆賂畫工多者十萬

少亦不減五萬昭君自恃貌美獨無所賂工人乃醜爲之圖

帝遂以妻匈奴是說也余嘗疑之漢元卽富過往時而未幸

之宮人安所得此多金以賂畫師宮廷跡闕誰能代爲過賄

輦金莫夜亦豈漫無呵禁其近誣不可信明矣自梁王叔英

妻劉氏詩曰丹青失舊儀玉匣成秋草由是陳後主則曰圖
形漢宮裡遙聘單于臺隋薛道衡則曰不蒙女史進更無畫
師情沿至唐人如崔國輔何時得見漢朝使爲妾傳書斬畫
師沈佺期薄命由驕虜無情是畫師梁獻圖畫失天真容華
坐誤人郭元振容顏日憔悴有甚畫圖時劉長卿自矜妖艷
色不顧丹青人李白生乏黃金買圖畫死留青塚使人嗟杜
甫畫圖省識春風面環珮空歸月夜魂白居易愁苦辛勤憔悴
甚如今却似畫圖時李商隱毛延壽畫欲通神忍爲黃金
不爲人范靜妻沈氏早信丹青巧重貨洛陽師千金買蟬鬢
百萬買蛾眉之類不可勝紀梁以前初無此說昭君之自言
曰離宮絕曠身體摧殘而已圖畫之事不著篇什漢書亦但
言單于願增漢氏以自親元帝以後官良家子王嬙字昭君

賜單于單于驩喜上書願保塞土谷以西至燉煌請罷邊備
塞吏卒以休天子人民而琴操則謂帝宴單于悉召後宮問
欲以一女賜單于昭君盛飾而至越席請行旣至匈奴以爲
漢待之厚報漢以駟馬白璧珍寶之物圖畫之事不登記載
證以石季倫所作明君新歌而益信夫始之不以色進有班
姬辭輦之賢繼之不以難委有馮女當熊之勇至其去後官
而赴絕域偶殊類而輯邊陲有翁主和戎木蘭從軍之義而
說者必援無稽之稗史爲美談使昭君千古止爲恃色逞嬌
吝財失寵之女流抑何不善成人之美也按王觀國學林新
編已有此說陸更暢言之耳

其造新曲 六臣本新下有之字 玉臺新詠作其造新之曲
一作新造按唐書樂志明妃漢曲也漢人憐其遠嫁爲作此

歌晉石崇妓綠珠善舞以此曲教之而自製新歌然則新曲指漢人所作而下文敘之於紙乃卽所製之新歌也

注曹子建應詔曰前驅舉燧後乘抗旌金氏銍曰應詔詩注引漢書終軍曰驃騎抗旌矣此不當又以曹詩爲祖

較馬悲且鳴玉臺新詠悲且鳴作爲悲鳴

泣淚濕朱纓玉臺新詠濕作沾依注作沾爲是六臣本朱作珠劉氏履曰珠纓謂以珠飾纓按士昏禮主人稱脫婦之纓禮記衿纓綦履鄭注婦人有纓示繫屬也

遂造匈奴城玉臺新詠遂作乃

注魏文帝苦哉行曰陳校文改武哉改寒各本皆誤

加我閼氏名注蘇林曰閼氏音焉支姜氏皋曰史記索隱云

閼氏舊音曷氏匈奴皇后號也習鑿齒與燕王書云山下有

紅藍足下先知不北方人採取其花染緋黃按取其上英鮮者作胭脂婦人用爲顏色匈奴名妻作閼氏今可音烟支想足下先亦不作此讀漢書也是則魏晉時尙不音焉支又漢功臣表閼支節侯馮解散閼字史漢皆無音惟史記索隱云縣名屬安定攷漢地理志安定郡有烏氏縣郡國志作烏枝蓋閼可讀烏氏可讀支音相近也又史記趙世家秦韓相攻而圍閼與正義引括地志云今名烏蘇城可證烏爲閼音之轉然則閼氏二字有三音矣

注爲復系若懸單于 胡公攷異曰復下當有珠字系當作索此所引匈奴列傳文懸作鞬蓋別體字

殺身良不易 玉臺新詠不作未

注吁嗟默言

陳校言改默是也各本皆誤

乘之以遇征 六臣本乘作弄 玉臺新詠及藝文類聚引亦

並作乘

注思寄身於鴻鸞 六臣本鸞作鸞是也

注高誘呂氏春秋曰 陳校秋下添注字是也各本皆脫

今爲糞上英 又甘與秋草并 玉臺新詠上作土與作爲

君子行

君子行古詞 案此篇九本所無元槩本毛本均載之注云李

善本古詞止三首無此一篇五臣本有今附於此者亦不知

孰所注也按今本曹子建集有此篇

卷二十八 陸士衡猛虎行

渴不飲盜泉水 水經洙水注云洙水西南流盜泉水注之論

語比攷識曰水名盜泉仲尼不漱卽斯泉矣

時往歲載陰 與上惡木陰韻複

君子行

注伯奇往視袖中殺蜂 又使者就袖中有死蜂 視當作就殺

當作掇就當作視

注藜羹不糝 胡公攷異曰六臣本糝作斟是也此引呂氏春

秋任數篇高誘有注可證謹按今本呂氏春秋慎入篇孔子

窮於陳蔡之間七日不嘗食藜羹不糝則自作糝

注少傾間食熟 何校傾改選食改飯尤本選字不誤

注食絜故饋 陳校故改欲胡公攷異曰按今呂氏春秋作而

後二字或善引不同五臣良注作欲陳以之校善未必是

從軍行

飄飄窮四遐 六臣本下飄字作飊

深谷邈無底

六臣本作谿谷深無底

夏條集鮮藻

六臣本集作焦是也此但傳寫誤

朝食不免胄

六臣本食作餐

豫章行

汎舟清川潯

六臣本川誤作山

遙望高山陰

劉氏履曰陰韻重當作岑猛虎行云長嘯高山

岑案劉說非也重韻古人不忌

懿親將遠尋

毛本尋誤作情

注古上留田行日出是上獨西門三荆同一根生一荆斷絕不

長兄弟有兩三人小弟塊摧獨貧此三十六字六臣本并入

良注毛本以田廣兄弟分荆事注其下不知誰所改竄也

苦寒行

涼野多嶮難 六臣本難作艱

注在披穹谷 穹谷深谷也說見本書西都賦注

但聞寒鳥喧又離思固已久 六臣本喧作囁久作矣

飲馬長城窟行

山高馬不前 六臣本高作陰

注旃旌旗也 劉氏履曰旃謂旃帳穹廬也

注晉灼曰黃圖在長安城門內郎謂傳舍也 案師古注曰橐

街街名蠻夷郎在此街郎若今鴻臚客館也

門有車馬客行

舊齒皆彫喪 喪字宜作蘇浪切江氏承曰受祿無喪之類皆

可讀平聲

君子有所思行

注鄭德漢書注 是書不見於隋唐經籍等志惟顏師古漢書

敘例云劉德北海人又云鄭氏晉灼音義序云不知其名而

臣瓚集解輒云鄭德既無所據今依晉灼但稱鄭氏耳

人生誠行邁 五臣邁作過向注處世如行過

注難止也 胡公攷異曰止當作正顏氏家訓引作整可證

酖毒不可恪 古今難云不可恪當作可不恪

注堅固老不衰 六臣本尤本堅上並重有靈根二字

注說文曰又於獻公 何校文改苑公下增公字

齊謳行

齊謳行 郭茂倩樂府梁元帝纂要齊歌曰謳陸機齊謳行欲

人推分直進不可妄有所營

注請更諸爽塏之地 陳校之地二字改者字

注崇或爲嵩非也 姜氏皋曰漢元初造嵩嶽太室石闕銘有崇高神君句顧氏金石文字記作嵩高翁氏兩漢金石記錢氏潛研堂金石文跋尾並以爲非蓋說文有崇無嵩也畢氏中州金石記亦云據此知漢時尙無嵩字經典作嵩或作崧皆後人所改矣

南界聊攝城 元和郡縣志故攝城在博平縣西南二十里晏子曰聊攝以東卽此何曰南字當爲西字之誤善注非也

注禹貢海物惟錯又恒豆之俎 禹貢二字衍俎當作菹

注謂百萬中之二也 胡公攷異曰中當作十

注而逢伯凌因之 又而太公因之 上而字當作有字凌當作陵下而字下當有後字此左氏昭二十年傳文各本皆誤

長安有俠邪行

長安有狹邪行 郭茂倩樂府相逢行一曰相逢岐路間亦曰

長安有狹邪行

注俊民用康 康當作章餘屢引章康互出皆章是康非

注春秋攷異記曰 記當作郵下卷陸士衡擬古詩注引可證

注明與鳴古字通也 此他無所證惟陸士衡擬古詩注同

要子同歸津 尤本子誤作子

長歌行

注范曄後漢書曰 六臣本無此六字胡公攷異曰無者是也

善注如引太子報桓榮書之在榮傳答永興王潭書之在永

傳初不稱范班二史也此類甚多

注願乘閑而自察 六臣本乘作承是也

悲哉行

啗啗倉庚吟 六臣本吟作音是也上已有時鳥多好音此作

吟但傳寫誤耳

注女蘿松蘿也

案詩小雅頍弁薦與女蘿毛傳女蘿菟絲松

蘿也陸機疏今菟絲蔓連草上生黃赤如金今合藥菟絲子
是也非松蘿松蘿自蔓松上生枝正青與菟絲殊異爾雅唐
蒙女蘿女蘿菟絲郭注云別四名孫炎云別三名則唐與蒙
或并或別也惟埤雅釋草云在木爲女蘿在草爲菟絲語最
簡明說詳下卷古詩十九首

傷哉遊客士

六臣本遊客作客遊是也

目感隨氣草

良注草色隨氣序而生

吳趨行

注而齊右善歌

六臣本右作后是也案注齊娥齊后也良注

亦同其當作后明甚蓋孟子別本有作后者

請從昌門起 六臣本昌作闔下同

洽洽祥風過 五臣祥作鮮是也何曰樂府祥作鮮兌爲闔闔

風鮮風也本書江淹雜擬許征君篇注引此句作鮮

注說文曰矯舉手也 今說文矯舉手也

短歌行

注王逸楚辭曰 辭下當有注字

華不再陽 釋名釋天陽揚也氣在外發揚也

注萍華 華當作萍六臣本作萍可通

憂爲子忘 又短歌有詠 六臣本爲作與有作可

日出東南隅行

日出東南隅行 六臣本以此首爲第十長安有狹邪行第十

一前緩聲歌第十二長歌行第十三吳趨行第十四塘上行第十五悲哉行第十六短歌行第十七

注或曰羅敷艷歌 玉臺新詠題作艷歌行

扶桑升朝暉照此高臺端 玉臺新詠升作生此作我

高臺多妖麗 妖當作姣注同胡公攷異曰善引呂氏春秋作

公姣且麗在達鬱又王逸楚辭注姣好在大招皆爲當作姣之證向注云妖美此五臣作妖之證

濬房出清顏 胡公攷異曰濬依注當作遠濟注云濬深乃五

臣作濬之證玉臺新詠作洞房

注蛾眉玉貌 段校貌改白

注曼好目曼澤 陳校去上曼字招魂注可證

秀色若可餐 又婉媚巧笑言 玉臺新詠秀作采媚作美

高崖被華丹 六臣本玉臺新詠崖並作岸

悲歌吐清響雅舞播幽蘭 玉臺新詠響作音舞作韻

注舞則莫兮 陳校莫改纂是也前舞賦注可證

注龍興鸞集 毛本龍誤作鴻

沈姿無乏源注乏或爲定 五臣乏作定向注可證玉臺新詠

沈作澄乏亦作定

注說文曰湍水疾也 今說文湍疾瀨也

前綴聲歌

高會曾城阿 玉臺新詠城作山

肅肅宵駕動 五臣宵作霄翰注霄駕謂薄天而行也按玉臺

新詠亦作霄此注引肅肅宵征乃注肅肅非注宵駕也翰注

似可從

總轡扶桑枝濯足湯谷波 六臣本枝作底湯作賜

注馮夷大禹之御也 禹當作丙此見淮南子原道訓本書廣

絕交論注引作丙不誤

塘上行

塘上行 余曰鄴中故事甄后爲郭后譖賜死臨終作塘上行

注葉何一離離 段校葉上添其字去一字

被蒙風雲會移居華池邊 玉臺新詠雲作雨居作君

注滄浪水色也 周氏廣業以此爲劉熙孟子注盧氏文昭曰

倉浪青色在竹曰蒼篴在水曰滄浪古辭東門行上用倉浪

天天之色正青也艷歌何嘗行上懸滄浪之天俱見晉宋樂

志又呂氏春秋審時篇麥後時者弱苗而穗蒼狼亦言其青

色蒼倉滄三字俱通

注毛詩曰既沾既渥 今詩作既優既遲既霑既足

四節逝不處華繁難久鮮 玉臺新詠逝作遊六臣本華繁作

繁華玉臺新詠亦作繁華

注止于邱樊 陳校去邱字各本皆衍

謝靈運會吟行

會吟行 會稽也此詩所吟似止於越是吳會所分之會稽

矣然詩中梅福梁鴻則又吳地事

注控揆宮引第一 宮字不當有觀下注自明姜氏舉曰注中

控揆引以下云云不見於宋書

注然今三調蓋清平側也 姜氏舉曰三調之調宋書樂志但

云清商三調歌詩荀勗撰舊詞施用者無第一平調諸文樂

府詩集引唐書樂志云平調清調楚調皆周房中曲之遺聲

漢世謂之三調又有楚調側調楚調者漢房中樂也側調者生於楚調與前三調總謂之相和調則與此注所云異矣

注佇立也 陳校立改久各本皆誤

會吟自有初請從文命敷 余曰越傳禹到大越上苗山大會計會注有德封有功因而更名苗山曰會稽

注夏禹名曰文命 余曰史記裴駢集解禹字密鬻子逢行珪

注禹字高密陳景文南華經音義禹字文命

注前漢書地理志曰 六臣本無前字是也

肆呈窮窳容 六臣本容誤作客

注闔閭傷馬 陳校馬改焉各本皆誤

鮑明遠東武吟

占募到河源 五臣占作召銑注可證

注有功卒 陳曰卒當作中率是也此所引李廣傳文各本皆誤何校去卒字非

注秦築長安城 六臣本無安字是也

倚杖牧鷄豚 六臣本校云牧善作收非也朱子曰腰鎌刈葵藿倚杖牧鷄豚分明倔强不肯甘心之意

徒結千載恨 六臣本結作積

出自薊北門行

注筋也者所以爲深也 今攷工記無所字

馬毛縮如蝟 六臣本毛作步

結客少年場行

結客少年場行 樂府詩集云漢長安少年殺吏受財報仇相與探丸爲彈探得赤丸斫武吏探得黑丸殺文吏尹賞爲長

安令盡捕之長安中歌曰何處求子死桓東少年場生得諒
不謹枯骨復何葬按結客少年場言少年時結任俠之客爲
遊樂之場終無成也

注古日出東南行 南下當有隅字

注燕丹太子 太子不當有陳曰燕丹子書名是也

注東南城舉南伊闕 何校城改成陳同各本皆誤

東門行

注日出東門行 日字不當有各本皆衍

注春申君曰可異曰 段校異改加日改曰按楚策本文是曰

可加曰異日者

注有鴻鴈從東方來 又以虛弓發而下之 又驚心未忘聞弦音

引而高飛故創隕 鴻當作間各本皆誤尤本隕作怯胡公攷

異曰今楚策作隕怯字當是扞之誤隕扞同字陳校隕下添也字亦據楚策今楚策無弓字忘作去聞弦音引作聞弦者音烈

將去復還訣 何曰復還一作還復

行子夜中飯 六臣本校云飯善作食誤也

苦熱行

注苦熱但曝霜 霜當作露各本皆誤

注廣五里 毛本五字上衍曰字

吹蠱痛行暉 注行旅之光輝也 五臣痛作病良注可證楊氏

慎曰南中畜蠱之家蠱昏夜飛出飲水光如曳雪所謂行暉

也注非

鄣氣晝熏體 五臣鄣作瘴向注可證按淮南子墜形訓障氣

多暗後漢書楊終傳障毒古書皆不作瘴字也

注 蔞草名有毒 張氏雲璈曰爾雅翼蔞米可以爲飯生水田

中爾雅所謂皇守田也蔞實可食不應如是之毒恐別是一

蔞草

渡瀘甯具腓 六臣本校云腓善作肥誤也

伏波賞亦微 注 馬援爲伏波將軍 金氏甦曰史記元鼎五年

封南越路博德爲伏波將軍伏波南征不自馬援始也後漢

書馬援傳謂孟翼曰昔伏波將軍路博德

財輕君尙惜 五臣財作爵向注可證孫氏志祖曰據注引韓

詩外傳語不必從五臣作爵

注 宋燕相齊還遂 胡公攷異曰遂當作逐還逐謂旋被斥逐

也今韓詩外傳作見逐逐字是見字恐非

白頭吟

玷自信蒼蠅 六臣本玷作點玉臺新詠亦作點

漢帝益嗟稱 余曰飛燕外傳飛燕緣主家大人得入宮中宮
中素幸者從容問帝曰豐若有餘柔若無骨遷延謙畏若
遠若近禮義人也甯與汝曹婢習肩者比耶案飛燕外傳後
出偽書李所不見余引之非

放歌行

習若不言非 五臣非作排濟注可證

注崔元始正論永甯詔曰 困學紀聞十三云永甯漢安帝年
號元始崔寔字也後漢紀不載此語

賢君信愛才 注郭象注曰 六臣本信作言象下有莊子二字

將起黃金臺 齊東野語云黃金臺之名始見於此然史記止

云爲隗宮而師事之初無臺字新序通鑑皆言築宮不言臺
孔文舉論盛孝章書曰昭築臺以延隗又無黃金字李注引
天監書段匹磾討石勒屯故燕太子丹黃金臺又引上谷
圖經云黃金臺在易水東南十八里昭王置千金臺上以延
天下之士白氏六帖亦云燕昭王置千金於臺上以延天下
士謂之黃金臺唐人相承用之

今君有何疾臨路獨遲迴 毛本誤脫此二句

升天行

勝帶宦王城 勝帶不可解向注勝帶謂勝冠帶時也或曰疑
當作紳帶六臣本校云宦善作官非也

注猶遲掌也 今孟子遲下有之于本書諫吳王注引作猶反
掌也

晚志重長生 六臣本志作至

冠霞登彩閣解玉飲椒庭 向注冠霞謂從仙解玉謂去任

何曰解玉謂服玉屑也案周禮王齋則共食玉注玉是陽精之純者食之以禦水氣是古本有服玉之說其後乃爲修養家所襲也

誓遊越萬里近別數千齡 金氏姓曰別賦誓遊萬里少別千

年江鮑微有後先詞語不無沿襲

^注先生隨神士還代 ^注何校士改女是也各本皆誤

^注故秦氏作鳳女詞 胡公攷異曰詞當作祠各本皆誤

謝元暉鼓吹曲

金陵帝王州 林先生曰張勃吳錄諸葛亮觀秣陵山阜歎曰

鍾山龍蟠虎踞帝王之都也

文選旁證

卷三十四

三

注兩京賦序曰京當作都各本皆誤毛本兩誤作西

文選旁證卷二十五

長樂梁章鉅撰

卷二十八下 繆熙伯挽歌

注高帝名田橫至尸鄉自殺從者不敢哭而不勝哀故爲此歌

何曰風俗通義言漢末時婦婚嘉會皆作魁壘酒酣之後

續以挽歌又後漢書周舉傳大將軍梁商大會賓客讌於洛

水酒闌唱罷繼以離露之歌蓋漢末尤尙之故魏武父子皆

有此作纂文云離露今挽歌也宋玉對問已有陽阿離露矣

推而上之左傳公孫夏命其徒歌虞殯杜注送葬歌曲也謂

挽歌始於田橫賓客恐不然矣按何氏此說亦本世說注

注生之高堂之上 陳校生改坐各本皆誤

注天地生也存 何校生也二字互乙各本皆倒

注七萃之士曰自古有死生 今穆天子傳云七萃之士斐豫

上諫於天子曰自古有死有生

陸士衡挽歌詩

殯宮何嘈嘈哀響沸中閣 何曰按虞殯本謂啟殯將虞之歌

此爲得其本意也

中閣且勿謹 六臣本謹作謹

注是夢坐奠於兩楹之間 奠字不當有各本皆衍

友朋自遠來 注子曰友朋自遠方來 論語釋文有或作友按

六臣本注友作有或據今論語改之

注乘其四駱 陳校乘其改駕彼各本皆誤

救子非所能 六臣本救作殺何曰此用芊尹申亥殺二女殉

靈王事按良注欲以身殉子亡沒甚易獨救子不能致焉則

五臣亦作救况前後子字皆指死者而言殺字恐誤

廣霄何寥廓 五臣廣作壙翰注可證六臣本霄作霄

注海水經曰東海中有山焉名度索上有大桃樹東北瘴校名

曰鬼門萬鬼所聚 海水經當是山海經之誤何校水經東胡

公攷異又疑爲外字形近之誤但今山海經無此語惟後漢

書禮儀志注引山海經曰東海中有度索山上有大桃樹蟠

屈三千里其卑校門曰東北鬼門萬鬼出入也與此畧同

妍姿永夷泯 五臣姿作骸向注可證

壽堂延魑魅 依注堂當作宮

流離親友思 六臣本此首在重阜何崔嵬首之前按此句與

第一首末句相承接六臣是也

注孔子爲明器者 陳校爲上添謂字各本皆脫

文選笺證

卷二十五

悲風徽行軌

注或作鼓

五臣徽作鼓翰注可證

陶淵明挽歌詩

嚴霜九月中

余曰趙泉山曰嚴霜九月中與自祭文律中無

射之月相符知挽歌亦將逝之時所作

荆軻歌

荆軻

注

史記曰荆軻衛人

余曰博物志荆軻字次非渡江鯨

夾船次非斷其頭而風波靜按江賦李注引呂覽飲飛荆人

茂先似誤或傳聞異辭

祖送於易水上

元和郡縣志易水一名故安河出易縣西燕

太子丹送荆軻易水上卽此樂府詩集此篇作渡易水

宋如意

余曰燕丹子宋意脉勇之人怒而面青按淮南子秦

族訓云高漸離宋如意爲擊筑而歌水經易水注云高漸離

擊筑宋如意和之新論辨樂云荆軻如秦宋意擊筑陶靖節
詠荆軻詩亦云宋意唱高聲而史記戰國策俱逸其名

漢高祖歌

留置酒沛宮 五臣無酒字銑注沛高祖之里故以置宮按史
記漢書皆有酒字銑注去酒字乃曲爲此說不可從

發沛中兒得百二十人 漢書禮樂志高祖過沛與故人父老
相樂醉酒歡哀作風起之詩令沛中僮兒百二十人習歌之
至孝惠時以沛宮爲原廟皆令歌兒習吹相和常以百二十
人爲員文景之間禮官肄業而已

劉越石扶風歌

朝發廣莫門

注

洛陽城廣莫門

許氏宗彥曰永嘉元年冬琨

始爲并州刺史由洛赴并爾後不復至洛矣此詩之作當在

永嘉六年琨收兵常山中山晉陽被襲之時或建興三年自
飛狐奔薊時廣莫門蓋晉陽等處有此門名必非洛陽城門
也狄之廣莫於晉爲都見左傳并州之廣莫門或取此義
莫宿丹水山 水經沁水注云上黨記曰丹水出長平北山南
流秦坑趙衆流血丹川由是俗名爲丹水又東南流注於丹
谷卽劉越石扶風歌所謂丹水者也

發鞍高岳頭 何曰發鞍之義未詳張氏雲璈曰晉書袁瓌傳
有廢鞍覽卷投戈吟詠之句此或亦作廢鞍

歸鳥爲我旋 六臣本歸作飛

惟昔李騫期 注騫與愆通也 五臣騫作愆銑注可證

我欲競此出 六臣本競作竟是也此傳寫誤注同

陸韓卿中山王孺子妾歌

注詔賜中山靖王噲及孺子妾並未央才人 胡公攷異曰何校王下添子字陳同又並冰誤是也此所引藝文志文謹按師古注云孺子王妾之有品號者也妾王之衆妾冰其名才人天子內官與如淳說異又樂府詩集云按謂以歌詩賜中山王及孺子妾未央才人等爾累言之故云及也而陸厥作歌乃謂之中山孺子妾失之

注西都賓曰視往昔之遺館 此西京賦語視當作覲

注泣魚是龍陽非安陵疑陸誤也 案宋吳聿觀林詩話亦辨此誤以爲新得蓋宋時五臣盛行不知李注先有此論也 賤妾終已矣 六臣本終作恩矣作畢

卷二十九 古詩一十九首

古詩十九首 姜氏臬曰唐汝諤古詩解以十九首列於蘇李

之前蓋不知冉冉孤生竹爲傅毅作而鍾嶸詩品又謂去者日以疎客從遠方來二首舊疑建安中陳思王所製

注古詩蓋不知作者或云枚乘紀文達公曰文心雕龍云古詩佳麗或稱枚叔按行行重行行青青河畔草西北有高樓涉江采芙蓉庭中有奇樹迢迢牽牛星東城高且長明月何皎皎八首玉臺新詠皆題枚乘而先後次第又與文選不同滄浪詩話謂玉臺新詠以越鳥巢南枝以下另爲一首然宋本仍不分爲二至文章正宗乃刪存七首則強作解事耳

注驅馬上東門馬當作車困學紀聞十八引亦誤作馬

各在天一涯六臣本校云善作一天涯胡公攷異曰李陵詩各在天一隅蘇武詩各在天一方句例相似作一天誤

胡馬依北風玉臺新詠依作嘶紀文達公曰此以一南一北

申足各在天一涯意以起下相去之遠作依爲是又曰胡馬
二句有两出處一出韓詩外傳卽善注所引不忘本之意也
一出吳越春秋胡馬依北風而立越燕望海日而熙同類相
親之意也皆與此詩意別注家引彼解此遂致文義窒礙
盈盈樓上女注廣雅曰羸容也盈與羸同朱氏琯曰廣雅釋
訓羸羸容也羸卽釋詁之嫵好也重言則曰嫵嫵郭璞注方
言嫵言嫵嫵也此與下盈盈一水間並同音假借字
注韓詩曰嫵嫵女手可以縫裳姜氏皋曰詩葛屨曰摻摻女
手可以縫裳傳曰摻摻猶嫵嫵也說文作攢好手兒引詩曰
攢攢女手其作摻者段氏玉裁以爲非是遵大路傳摻摻也
是摻字自有本義也薛君云纖纖女手之貌

游戲宛與洛 困學紀聞十八云驅馬上東門游戲宛與洛辭

兼東都非盡是乘作

注飄飄謂之袞 胡公攷異曰飄當作颿各本皆譌颿颿卽扶

搖字釋文可證

轆軻長苦辛 六臣本轆作坎

注年旣過太半然轆軻不遇也 胡公攷異曰此當作年旣已

過太半兮然轆軻而留滯王逸曰轆軻不遇也此引七諫文

西北有高樓 洛陽伽藍記以高陽王雍之樓當之未知何據

無乃杞梁妻 何曰水經注引琴操曰殖死妻援琴作歌曰悲

莫悲兮生別離樂莫樂兮新相知

注宋玉長笛賦曰 長字不當有

願爲雙鳴鶴 六臣本鳴鶴作鴻鵠玉臺新詠亦作鴻鵠

玉衡指孟冬 何曰此其太初以前之詩乎張氏庚古詩十九

首解云史記天官書斗杓指夕衡指夜魁指晨堯時仲秋夕
杓指酉衡指仲冬此言衡指孟冬則是杓指申爲孟秋七月
也然白露爲八月節促織鳴東壁卽豳風八月在宇義元烏
逝又卽月令八月元烏歸然則此詩是八月之交舊注以爲
孟冬者謬也唯陽吳氏據厯家歲差之法以爲漢去堯時二
千餘年此時仲秋杓當指申衡應指孟冬此說亦未盡然蓋
今時仲秋杓猶指酉也

注鄭元曰同門曰朋 論語集解引作包曰按公羊定四年傳
同門曰朋同志曰友疏以爲倉頡篇又漢書司馬遷傳云李
陵非汝同門之朋同志之友乎

冉冉孤生竹 文心雕龍云孤竹一篇傳毅之詞

兔絲附女蘿 注毛萇詩傳曰女蘿松蘿也毛詩草木疏曰今松

蘿蔓松而生而校正青兔絲草蔓連草上黃赤如金與松蘿特異又然是異草故曰附也按今本毛詩傳女蘿下有兔絲二字李氏黼平曰女蘿施於松上卽爲松蘿所疑者兔絲耳楚辭山鬼篇被薜荔兮帶女蘿王逸注女蘿兔絲也又曰薜荔女蘿皆無根緣物而生旣云緣物則不僅蔓連草上雖竹木亦可古詩一物雙舉亦猶劉越石詩以宣尼孔某並言下句兔絲生有時卽專言兔絲不復言女蘿是古詩亦以爲一物也古詩此句及郭景純游仙詩緣蘿結高林女蘿辭松栢陸士衡悲哉行女蘿亦有託李注四引此傳皆云女蘿松蘿也並無兔絲字今正義本女蘿下有兔絲乃後人依爾雅之文附益之不知毛傳正不必全依爾雅也

賤妾亦何爲丹鉛餘錄云文選范雲古意詩注引此作擬何

爲擬字勝亦字

庭中有奇樹 六臣本中作前玉臺新詠亦作前

此物何足貴 注貢或作貴 五臣貢作貴翰注可證

脉脉不得語 注爾雅曰脉脉相視也 五臣作呱呱良注可證

說文繁傳呱字引作呱呱不得語廣韻嘆字引作嘆嘆不得

語注中視字不當有說詳魯靈光殿賦

注順彼長道 順上當有又曰三字

晨風懷苦心 陸璣疏晨風一名鷦似鷦青黃色燕含鈎喙嚮

風搖翅乃因風飛急疾擊鳩鵲食之陳氏啟源曰周南

之鳴鳩鵲也即爾雅之鳴秦風之晨風鷦也

注漢書景帝曰 陳校景改武

燕趙多佳人 張鳳翼本以此下另起爲一首紀文達公曰此

下乃無聊而托之遊冶卽所謂蕩滌放情志也陸士衡所擬
可以互證張本以臆變亂不足爲據王氏士正古詩選云古
詩十九首文選作二十首分東城高且長燕趙多佳人爲二
首今文選不分不知王所見何本或卽據張本也

絃急知柱促 與上傷局促韻複

馳情整中帶 五臣中作巾翰注可證紀文達公曰儀禮有中

帶鄭注中帶若今禪襖則作巾爲誤

注說文躑躅住足也 今說文躑住足也躑躅也按此引躑

亦當作躑下云躑躅與躑躅同可證

驅車上東門遙望郭北墓 孫氏鑑曰此亦是東都詩上東門

郭北墓正是北邙張氏庚引睢陽吳氏曰上東門長安東門
名郭北西都之北郭非東都之北邙也

潛寐黃泉下 六臣本潛寐作寐潛

注 白紵素出齊 胡公考異曰白字應去前怨歌行注引無

生平不滿百常懷千歲憂晝短苦夜長何不秉燭遊 趙氏翼

曰此謂爲樂當及時也然新唐書李石對文宗曰人生不滿

百常懷千歲憂畏不逢時也晝短苦夜長闇時多也何不秉

燭遊勸之照也則又作勸勵解

何能待來茲 注 茲年 困學紀聞十八左傳今茲注云此歲也

僖十六年傳注李注引呂氏春秋見士容篇任地篇桂氏覆

曰來茲卽來今漢書杜業上書深思往事以戒來今關氏若

璩曰趙注孟子今茲未能爲今年未能盡去亦以茲爲年

仙人王子喬難可與等期 六臣本仙誤作小與作以

螭蛄夕鳴悲 六臣本夕作多玉臺新詠亦作參

眇眇以適意引領遙相喻 胡公攷異曰六臣本校云善無此
二句此或尤本校添但依文義恐不當有

孟冬寒氣至 劉氏履曰玉衡指孟冬非夏之孟冬漢襲秦制
以十月爲歲首漢之孟冬夏之七月也至孟冬寒氣至北風
何慘慄益漢武已改用夏時矣三代改朔不改月古人辨證
博引經傳多矣獨未引此耳

四五詹免缺

注

詹與占同古字通

五臣詹作蟾銑注可證胡

公考異曰詹作占注謂元命苞之詹與此詩之占同也

注

爾訓之終耳

六臣本耳作也胡公攷異曰之終二字係衍

文後和王主簿怨情詩注引作爾詞也可證

著以長相思

注

著謂充之以絮也

義氏舉曰此見儀禮士喪

禮著組紃句注也而趙德麟候鯖錄遂謂被中著綿謂之長

相思綿綿之意緣被四邊綴以絲縷結而不解豈古被之制抑因此詩而傳會之耶

淚下霑裳衣 六臣本淚下作下淚

李少卿與蘇武詩

風波一失所 初學記離別部引所作路

嘉會難再遇 本書送應氏詩注引遇作逢

念子愴悠悠 六臣本子作別

獨有盈觴酒 容齋隨筆云盈爲惠帝諱龔法觴諱有罪不應

陵敢用東坡云後人所擬可信也野客叢書云古文苑枚乘

柳賦盈玉縹之清酒玉臺新詠枚乘詩盈盈一水間觀此知

惠帝之諱當時亦有不避者

攜手上河梁 翁先生曰自昔相傳蘇李河梁贈別之詩蘇武

四章李陵三章皆載昭明文選然文選題云蘇子卿古詩四首不言與李陵別也李詩則明題曰李少卿與蘇武詩三首而其中有携手上河梁之語所以後人相傳爲蘇李河梁贈別之作今卽以此三詩論之皆與蘇李當日情事不切史載陵與武別陵起舞作歌徑萬里兮五句此當日真詩也何嘗有携手上河梁之事卽以河梁一首言之其曰安知非日月弦望自有時此謂離別之後或尙可冀其會合耳不思武旣南歸卽無再北之理而陵云丈夫不能再辱亦自知決無還漢之期此則日月弦望爲虛詞矣又云嘉會難再遇三載爲千秋蘇李二子之留匈奴皆在天漢初年其相別則在始元五年是二子同居者十八九年之久矣安得僅云三載嘉會乎就此三首其題明爲與蘇武者而語意尙不合如此況蘇

四詩之全不與李相涉者乎藝林相傳蘇李河梁之別蓋因李詩有携手河梁之句可爲言情叙別之故實猶之許彥周詩話云燕燕于飛一篇爲千古送行詩之祖也而蘇李遠在異域尤動文人感激之懷故魏晉以後遂有擬作李陵答蘇武書者若準本傳歲月證之皆有所不合前詞場口熟亦不必一一細繩之矣

恨恨不得辭 五臣恨恨作恨恨向達可證六臣本得作能桂氏馥曰五臣注恨恨相戀之情換恨恨卽懇懇言誠款也慕容翰謂逸豆歸追騎曰吾居汝國久恨恨不欲殺汝

注若張弓弛弦也 弛當作施

蘇子卿古詩

注爲校中監 毛本核誤作後

注四海之內皆爲兄弟

皇侃論語義疏本皆下有爲字鹽鐵

論和親章引亦有爲字

昔爲鸞與鸞今爲參與辰昔者常相近邈若胡與秦

初學記

離別部引此詩誤作李陵贈蘇武按古文苑別有蘇武答李

陵詩一首又別李陵一首中有雙鸞俱北飛四句初學記

亦誤作李陵答蘇武又按蘇李古詩後人疑之者多古文苑

所載李陵詩成篇者六又佚句六本書注皆屢引之此外如

三良詩注及安陸王碑注並引李陵詩曰嚴父潛長夜慈母

去中堂王明君辭注引李陵詩曰行行且自割無令五內傷

陸士衡擬古詩注引李陵詩曰招搖西北馳天漢東南流江

文通雜體詩注引李陵詩曰何以慰我心與孫皓書注及檄

豫州注辨亡論注並引李陵詩曰幸託不肖軀且當猛虎步

皆古文苑所未載不知從何處採取姑附輯於此案李所見

幸託不自軀且當猛虎步二句在古文苑孔融雜詩第一首中乃宋孫巨源所集故不與唐引同錢氏大斯

曰五言之興必不在景武之世觀漢書李陵置酒起舞作歌

初非五言則知河梁倡和為後人依託不待盈觴之語觸犯

漢諱始疑其作偽也枚叔又在蘇武之前班史不言有五言

詩其為臆說更無容辨矣

遊者胡與秦何曰史記大宛列傳宛城中新得秦人知穿井

當時塞外謂中國人為秦人猶魏以後謂中國為漢人也胡

與秦中外之辨非胡越比此以贈遠人意本不為少卿也

絲竹厲清聲六臣本聲作音

征夫懷往路又行役在戰場玉臺新詠往作遠行作征本書

秋胡詩注引上句作行人懷遠路

死當長相思 姜氏皋曰王氏士正古詩選云長相思玉臺新
詠作留別妻今按宋陳玉父本仍作長相思也王氏所見殆
據馮舒校本紀氏容舒考異云明人重刻竄亂彌多是也
馥馥我蘭芳 劉氏履曰我當作秋

芬馨良夜發 五臣芬作芳濟注可證

寒冬十二月晨起踐嚴霜 六臣本嚴作凝何曰漢書本傳武
以始元六年春至京師則與少卿泣訣在五年之冬也

俯觀江漢流仰視浮雲翔 余曰東坡答劉沔書曰李陵蘇武
贈別長安詩有江漢之語而蕭統不悟按四詩第三首決爲
奉使別家人之作前二首似是送別非武自遠行此篇詞旨
渾含又總曰古詩何以知其必爲長安贈別乎蔡寬夫詩話
又云安知武未嘗至江漢耶何曰江漢浮雲一去不復返一

分不復合以此別離不必泥江漢之地爲疑

山海隔中州 六臣本海隔作隔海

張平子四愁詩

張衡不樂 學林云此序非衡自作豈有爲相而斥言國王驕奢又自稱下車威嚴郡中大治者按後漢書張衡傳知此乃史詞也詞有不同蓋撰後漢書者非一家編衡集者增損之耳玉臺新詠無序蓋彼書例不應有

久處機密 翰注時爲太史令主天文元象故稱機密

注 元嘉七年 六臣本元嘉作永建是也

魏郡豪右李竟文類曰 右字不當有此所引宣帝紀文類當作穎胡公考異曰此又見霍光傳亦無右字善意取文類注以解豪右自在下不知者誤並添

屈原以美人爲君子 六臣本屈上有依字是也此脫

一思曰 玉臺新詠本各首起處均無此三字

注漢書曰有太山郡 曰字不當有或是志字

美人贈我金錯刀 藝苑雌黃云錯刀以黃金錯其文一刀直

五千王氏士正引碧里雜存云在京師買得古錯刀三枚形

如今之剗刀其上一圈如圭璧之形中一孔卽貫索之處

路遠莫致倚逍遙 翰注倚立而逍遙不得也桂氏馥曰下文

倚惻悵倚踟躕倚增歎皆語詞倚與猗通詩河水清且漣猗

書斷斷猗疏云猗者足義之詞不爲義也莊子而我猶爲人

猗漢書猗違者連歲詩衛風猗重輶兮釋文猗依也小雅兩

驂不猗疏不相依皆猗倚相通之證五臣臆說不可從

美人贈我金琅玕 五臣金作琴良注可證玉臺新詠亦作琴

欲往從之隴坂長 水經渭水注云汧水有二源一水出縣西山謂之小隴山巖嶂高峻不通軌轍故張衡四愁詩曰我所思兮在漢陽欲往從之隴坂長

注漢書曰天水郡 何校漢上添續字

注直裾謂之襜褕 釋名荊州謂禪衣曰布襦亦曰襜褕言其襜褕宏裕也急就篇師古注襜褕直裾禪衣謂之襜褕取其襜褕而寬裕

注說文曰佩巾也 陳校曰下添巾字

何以報之青玉案 余曰案古盃字按宋曾鞏耳目志孟光舉案齊眉俗直謂之几案呂少衡語林云案古椀字故舉與眉齊張衡四愁詩何以報之青玉案謂青玉椀也楊慎丹鉛總錄亦主是說今按周禮攷工記案十有二寸棗栗十有一列

戴氏震曰案者檠禁之屬儀禮注曰檠之制上有四周下無足禮器注曰禁如今方案隋長局足高三寸此以案承棗栗宜有四周漢制小方案局足此亦宜有足段氏玉裁曰說文云几屬則有足明矣今之上食木檠近似惟無足耳戴氏精於禮者而於案之有足無足未能定蓋偶忘明堂位俎用椀楩之註也註云椀形四足如椀楩則加橫木於足中央爲橫距之形合觀禮經諸解旣言禁椀如案卽可知案形方有四足爲承器之物也 姜氏皋曰急就篇檠杆檠案栢間盤案椀並稱可見各爲一器也廣雅釋器案謂之檠又曰盞盞餽椀孟也亦未嘗混案與椀爲一旦名字書亦未載椀字文選注青玉案先取憑倚之意是周禮掌次氍毹之案也又引楚漢春秋漢王賜臣玉案之食是卽舉案之案也史記萬石君

對案不食漢書霍后傳親奉案上食鹽鐵論文杯畫案東觀
記杯案食物大小重疊又魏霸妻奉案前跪曹操別傳至以
頭沒杯案中似皆同於後漢書孟光之案玉箱以几屬食器
並釋廣韻引史記趙王張敖自持案進食又引曹公作歆案
卧視書是亦兩解要不若據禮經禁梳以訓案爲確耳

王仲宣雜詩

冀寫憂思情 六臣本冀寫作寫我

劉公幹雜詩

職事相填委 又從爾浮波瀾 六臣本相作煩從爾浮作爾從
遊學林云從爾浮波瀾此以去聲用瀾也他如陸士衡樂府
舊齒多凋喪以平聲用喪字爲顧彥先贈婦素衣化爲緇以
上聲用緇字左太冲雜詩歲暮常慨慷以平聲用慷字顏延

年登巴陵城樓詩前瞻京臺圓以入聲用圓字劉越石答盧
諶詩昔在涓濱叟以平聲用叟字江淹望荆山詩雲霞肅川
漲以平聲用漲字此類甚多

魏文帝雜詩

注毛詩曰展轉不寐 朱氏珔曰詩無此語當原作毛詩曰展
轉反側又曰耿耿不寐而今本有脫文耳

鬱鬱多悲思 六臣本悲作愁

南行至吳會 六臣本南行作行行是也此傳寫誤

曹子建朔風詩

朔風 翰注時爲東阿王在藩感北思歸故有此詩

昔我初遷 良注初遷謂遷出藩時

朱華未希 又素雪雪飛 六臣本朱誤作未雲作云是也胡公

攷異曰各本作雲者皆傳寫誤素雪與朱華偶句云飛與未
希偶句假令作雲殊乖文義

注言君雖不垂眷已則豈得不言其誠蒼頡篇曰豈冀也朱
氏珣曰說文豈字一曰欲也又見部覲欲幸也覲从豈取意
本書登樓賦注覲與冀同正合豈冀也之訓此注益以豈爲
覲得下不乃衍字殆後人誤增否則與下引蒼頡不可通

雜詩

注在郢城思鄉而作 何校郢改鄢陳同

轉蓬離本根 林先生曰子建有瑟瑟調歌起云吁嗟出轉蓬
居世何獨然結云願爲中林草秋隨野火燔糜滅豈不痛願
與根荄連詞意尤警謹按此見魏志曹植傳裴注

天路安可窮 注呂氏春秋曰風乎其高無極也 張氏雲璈曰

今吕氏春秋無此文孫氏星衍曰今下賢篇有昏乎其深而
不測也云云上下疑脫此句

食不充虛 本書張景陽雜詩注引同而今列女傳虛作口陶

徵士諫注引又作充膚虛膚字近恐誤此注又引文子充虛

接氣以證則虛字為勝抱朴子自叙篇亦云食不充虛

注 武毅發沈憂 憂下當有結字

妾身守空閨 又飛鳥繞樹翔 又嗷嗷鳴索羣 玉臺新詠閨作

房飛作孤嗷嗷作嗷嗷

注 生南國 此下當添兮王逸曰南國六字

日夕宿湘沚 六臣本作夕宿瀟湘沚毛本作暮宿瀟湘沚

玉臺新詠作夕宿湘川沚

晉將遠行逝 六臣本遠行作行遠

臨牖御櫺軒 五臣御作仰翰注可證

注音響何太悲 何太當作一何各本皆誤

情詩

辭子歎黍離處者歌式微 朱氏超之曰魏志蘇則傳植聞魏
代漢發服悲哭此詩黍離式微情見乎辭

嵇叔夜雜詩

與爾剖符 何曰剖符乃同樂之意不謂仕也按此亦望文生
義別無所據

傅休奕雜詩

簾星依青天 五臣依作衣翰注簾星布於天如人身著衣也
義殊迂曲不可從

張茂先雜詩

固陰寒節升 六臣本固作涸

注日昏東壁中 六臣本無日字是也此誤衍

情詩

晨月照幽房 五臣照作燭銑注可證玉臺新詠亦作燭

襟懷擁靈景又居歡愒夜促 五臣靈作虛愒作惜翰注濟注

可證玉臺新詠亦作虛作惜

拊枕獨嘯歎感慨心內傷又巢居知風寒又不曾遠別離王

臺新詠拊作撫嘯作吟感慨作綿綿知作覺寒作飄不作未

陸士衡園葵詩

種葵北園中 劉氏履曰士衡由吳入洛故以種葵北園自比

而露澤月輝喻君之寵祿時逝歲暮喻晉之衰末且以霜威

比齊王高壩比成都也又曰免死後尚為平原令內史故末

有豐條云云

注說文曰藁草木華盛貌也 今說文盛作垂

曹顏遠思友人詩

注攄與戰軍敗 毛本作遇戰軍敗

霖潦淹庭際又心與迴颺俱 六臣本淹作浩颺作飄

清陽未可俟 毛本陽作揚王氏世懋曰清揚當作青陽蓋對

密雲淋漓言之本指日出猶言河清難俟耳朱氏珔曰注引

詩清揚婉兮并毛傳云清陽眉目之間也陽今作揚惟說苑

賓賢篇引作清陽蓋揚可通陽玉藻顙實揚休疏揚陽也左

氏文八年傳習解揚漢書古今人表作解陽注例凡字異者

多有某與某同之語而此無有或善本作揚不作陽乎

感舊

注鳥皆集於苑 鳥當作人

郡士所背馳 六臣本作羣士皆背馳是也郡字蓋傳寫誤

何敬祖雜詩

注古長歌行曰昭昭素明月 長當作傷此見本書二十七卷

惟彼明月作月明

惆悵出游顧 六臣本出作忽

注禮記曰德產之緻也精微 姜氏皋曰今禮記禮器緻作致

注云密緻而精微也按詩彼都人士箋其情密致禮器勝義

注緻致也釋文皆云致本作緻

王正長雜詩

注毛詩曰春日遲遲倉庚喈喈 今詩出車春日句下尙有升

木萋萋四字楚辭悼亂作鵙鵙兮喈喈也與正文字合

人情懷舊鄉客鳥思故林 六臣本人下無情字思下有棲字

棗道彥雜詩

注今書七志曰 汪氏師韓曰注引羣書有王儉今書七志按

隋書經籍志史部簿錄篇今書七志七十卷王儉撰考南齊

書王儉傳依七畧撰七志四十卷在宋世隋多三十卷又省

冠今書則在齊世李所見與隋志同

注棗據字道彥 余曰晉書據本姓棘其先避仇改焉

注於是乎知有天道可必乎 陳校重天道二字

注高誘曰聘問之 今呂氏春秋高注無此三字

羊質服虎文 尤本服誤作復

僕夫罷遠涉 六臣本罷作疲涉作陟

左太冲雜詩

秋風何冽冽 六臣本冽冽作烈烈

披軒臨前庭 文苑英華誤作唐太宗詩軒作衣案軒字李有

注五臣亦作軒英華作衣亦誤字耳

張季鷹雜詩

黃華如散金 此詩首句暮春和風應上句青條若總翠則黃

華自係春花吳氏震方謂卽菜花張氏雲坡云唐以此句僉

題士多以黃花爲菊合式者不滿數但終不知黃華何物而

當時所云合式者究何謂也

張景陽雜詩

庭草護以綠 六臣本以並作已玉臺新詠亦作已

注名赤縣中州也 陳校中改神

離羣戀所思 六臣本戀作念

丹氣臨湯谷 五臣湯作湯濟注可證

輕風摧勁草凝霜疎高木 六臣本摧作推高作喬

歐路從祝髮 六臣本歐作甌是也此傳寫誤

注鄭元毛詩曰 六臣本詩下有幾字是也何陳據添

巴人皆下節 張氏雲璈曰下節蓋言節奏之最下者

朝登魯陽關 水經清水注云魯陽關水逕魯陽關左右連山

注插漢秀木干雲是以張景陽詩朝發魯陽關峽路峭且深

及王遵爲刺史 陳校遵改尊下同

入聞鞞鼓聲 六臣本校云聞善作聞蓋傳寫誤

捨我衡門依 五臣依作衣向注可證何云當從五臣

注潦注吾宮也今 胡公攷異曰今當作利各本皆譌此見

氏春秋召頽篇

有滄興南岑

注滄興與弁同

陳曰據注滄興與弁同則詩中滄字

當作弁兼有江文通擬張黃門詩注可證胡公攷異曰弁字

見釋文又韓詩作弁見外傳此因五臣作滄以之亂善耳

注說文曰山有穴曰岫

本書七啟注引下曰字作爲今說文

岫山穴也爾雅山有穴岫

注說文曰森林叢木也

今說文森多木貌玉篇廣韻並云森

長木貌無叢木之訓惟說文林字注云平土有叢木曰林

注楚芻牧

六臣本楚作禁是也此傳寫誤

風俗通曰劉向爲孝成皇帝典校書籍皆先書竹爲易刊定

可繕寫者以上素也今東觀書竹素也

按今風俗通無此文

前魏都賦饗校篆籀注引風俗通曰按劉向別錄云云今本

風俗通亦無之臧氏琳曰西漢無紙故先書於竹簡有誤者

刀刊削之及轡校已定則繕寫於縑素也

注黑蜺黑蛇也 元槩本毛本蛇上脫黑字

注王逸曰屏號起雨 尤本曰下有豐隆雲師也楚辭曰八字是也各本皆脫

尺燼重尋桂 案說文檟桂也爾雅檟木桂尋桂疑是檟桂本
書蜀都賦亦云木蘭檟桂也

在約不爽貞 又比足黔婁生 六臣本在作大足作之

注井上有至寶蠟食者過半矣匍匐往將而食之三咽然後耳
有聞目有見也仲子織屨妻辟纊以易之 今孟子寶字在上

食字下將下無而字見下無也字仲子作彼身易之下有也

字論衡引牛下無矣字匍匐作扶服見下有也字說文繫傳

引織作捫

不宜何也 今列女傳作不亦宜乎